

Fundargjörðir

13. júlí

amtsráðs Austuramtsins 11.—13. júlí 1903.

Ar. 1903, laugardaginn hinn 11. júlí, var aðalfundur amtsráðs Austuramtsins settur og haldinn á Eskifirði af amtmanni Páli Briem, varaamtsráðsmanni Austurskaptafellssýslu Jóni prófasti Jónssyni á Stafafelli í stað aðalamtsráðsmannsins Þorgríms læknis Þórdarsyni á Borgum, er situr á alþingi, aðalamtsráðsmanni Suðurmúlasýslu sýslumanni A. V. Tulinius á Eskifirði og aðalamtsráðsmanni Norðurþingeyjarsýslu Árna hreppstjóra Kristjánssyni á Lóni, en fyrir Norðurmúla sýslu er enginn mættur með því að aðalamtsráðsmaður sjera Einar Þórdarson í Hofteigi situr á alþingi, en varaamtsráðsmaður Jón Jónsson frá Sleðbrjót er farinn til Ameríku.

Á fundinum voru þessi mállefni tekin til umræðu:

1. Forseti lagði fram reikninga yfir tekjur og gjöld eptirfylgjandi sjóða 1902 með fylgiskjöllum.
 - a. Jafnaðarsjóðs Austuramtsins.
 - b. Búnaðarsjóðs Austuramtsins.
 - c. Búnaðarskólasjóðs Austuramtsins.
 - d. Gjafasjóðs Guttorms prófasts Þorsteinssonar.
 - e. Gjafasjóðs Pjeturs sýslumanns Þorsteinssonar.

Amtsráðsmennirnir skiptu reikningum þessum með sjer til endurskoðunar.

2. Forseti lagði fram sýslusjóðsreikninga og sýsluvegasjóðsreikninga 1902 úr öllum sýslum amtsins með fylgiskjöllum.

Amtsráðsmennirnir skiptu reikningum þessum með sjer til endurskoðunar.

3. Framlagður var reikningur bókasafns Austuramtsins 1902 með fylgiskjöllum. Amtsráðsmaður Suðurmúlasýslu tók reikninginn til endurskoðunar.

4. Framlagt var landshöfðingjabrjef, dags. 24. sept. f. á., um kjördæmaskipun í amtinu ásamt álitu hlutadeigandi sýslunefnda og bæjarstjórnar Seyðisfjarðar kaupstaðar. Eptir að amtsráðið hafði athugað málið, ákvað það að leggja til að kjördæmaskipun í Austuramtinu yrði svo sem nú skal greina.

1. Norðurþingeyjarkjördæmi nái yfir Norðurþingeyjarsýslu með um 1400 íbúum.
2. Vopnafjarðarkjördæmi nái yfir Skeggjastaða, Vopnafjarðar, Jökuldals og Hlíðarhreppa í Norðurmúlasýslu með um 1600 íbúum.
3. Hjerðskjördæmi nái yfir Fljótsdals, Fella, Hróarstungu og Hjaltastaðarhreppa í Norðurmúlasýslu, og Eiða, Valla og Skriðdalshreppa í Suðurmúlasýslu með um 2000 íbúum.
4. Seyðisfjarðarkjördæmi nái yfir Borgarfjarðar, Lodmundarfjarðar og Seyðisfjarðarhreppa í Norðurmúlasýslu og Seyðisfjarðar kaupstað með um 1400 íbúum.
5. Reyðarfjarðarkjördæmi nái yfir Mjóafjarðar, Norðfjarðar og Reyðarfjarðarhreppa í Suðurmúlasýslu með 2000 íbúum.

6. Breiðdalskjördæmi nái yfir Fáskrúðsfjarðar, Breiðdals, Beruness og Geit- **80**
hellahreppa í Sudurmúlasýslu með 2400 íbúum. 13. júlí
7. Austurskaptafellskjördæmi nái yfir Austurskaptafellssýslu með um 1200 íbúum.

Amtsráðið telur það mjög nauðsynlegt, að af þeim 4 alþingismönnum, sem væntanlega verður bætt við tölu þjóðkjörinna þingmanna, verði einum þingmanni bætt við í Austuramtinu, af því að Austuramtíð er mjög viðáttumikið og langt frá þeim stað, þar sem alþingi er háð, og kunnugleiki þingsins því minni að því er snertir Austuramtíð heldur en hin ömtin.

5. Framlagt brjef bæjarfógetans á Seyðisfirði, þar sem hann óskar þess fyrir hönd bæjarstjórnar Seyðisfjardarkaupstaðar, að amtsráðið veiti spítalanum á Seyðisfirði 300 kr. styrk úr jafnaðarsjóði 1903. Bónarbrjefinu fylgdi reikningur spítalans síðastl. ár. — Amtsráðið veitti spítalanum 200 kr. styrk árið 1904.
6. Framlögð voru bónarbrjef frá kvennaskóla Eyfirðinga um 100 kr. styrk til skólans og bónarbrjef frá sýslumanni Húnavatnssýslu um 150 kr. styrk til kvennaskólans þar. Bónarbrjefunum fylgdu skýrslur um skólana. Amtsráðið veitti hvorum skóla 100 kr. styrk.
7. Framlögð var og lesin reglugjörð búnaðarskólans á Eiðum og var hún samþykkt af amtsráðinu. Forseti leitar síðan staðfestingar landshöfðingjans á reglugjörðinni, er skal ganga í gildi 15. septbr. þ. á.
8. Framlagt var brjef sýslumannsins í Nordurmúlasýslu, dags. 21. marz þ. á., þar sem hann sækir fyrir hönd sýslunefndanna í Múlasýslunum um að búnaðarskólanum á Eiðum verði veittur 500 kr. úr jafnaðarsjóði næsta ár. Amtsráðið veitti skólanum 500 kr. styrk næsta ár með 3 atkvæðum móti 1. Ennfremur veitti amtsráðið skólanum 100 kr. styrk næsta ár til bóka og áhaldakaupa.
9. Forseti lagði fram úrskurð sinn á reikninga búnaðarskólans á Eiðum, ennfremur lagði hann fram reikning skólans yfir tekjur og gjöld 1902—1903 og jafnaðarreikning skólabúsins 26. júní 1903 með fylgiskjöllum og athugasemdum endurskoðenda.

Með því að eigi höfðu verið gjörðar neinar athugasemdir við reikning skólans yfir tekjur og gjöld, var reikningurinn samþykktur athugasemdaleaust, en af því að eigi hafði verið tími til að fá svör reikningshaldara og skólastjóra til athugasemda við jafnaðarreikninginn, var forseta falið að útvega svörin og úrskurða síðan reikninginn.

10. Framlagðar voru skýrslur um hag styrktarsjóða alþýðufólks í Norðurþingeyjarsýslu, Sudurmúlasýslu og Austurskaptafellssýslu fyrir árið 1902. Skýrsla um hag þessara sjóða í Nordurmúlasýslu 1902 var í sýslufundargjörðum.

Amtsráðið athugaði skýrslur þessar og þótti ekkert við þær athugavert.

11. Framlögð voru og lesin upp eptirrit af gjörðabókum allra sýslunefnda í amtinu:

a. fundargjörðir Norðurþingeyjarsýslu frá 21.—22. apríl þ. á.

80

13. júlí

- b. fundargjörðir Norðurmúlasýslu frá 10.—13. marz þ. á.
- c. fundargjörðir Suðurmúlasýslu frá 26. marz til 2. apríl þ. á.
- d. fundargjörðir Austurskaptafellssýslu frá 5. maí þ. á.

Við fundargjörðir þessar þótti ekkert athugavert.

- 12. Amtsráðsmennirnir lögðu fram reikninga þá, sem nefndir eru í fyrsta tölu-lið og voru þeir samþykktir athugasemdalaust.
- 13. Amtsráðsmaður Suðurmúlasýslu lagði fram reikning bókasafns Austuramtsins 1902. Við reikninginn þótti athugavert, að í fylgiskjali 2 er kostnaður við bókasendingar að upphæð kr. 6,00 eigi sundurliðaður. Ennfremur er sjóð-urinn kr. 1424,61 of hár.
- 14. Amtsráðsmennirnir lögðu fram sýslusjóðsreikningana, er þeir höfðu endur-skotað.

a. Við sýslusjóðsreikning Norðurpingeyjarsýslu þótti athugavert:

- 1. Fyrir hundalækningar hafa verið greiddar kr. 57,80 samkvæmt fylgi-skjölum 11—14, en þar sem sundurliðaðir reikningar eða skýrslur um hundalækningar eigi fylgja, ber reikningshaldara að útvega þá eða þær og senda
- 2. Fyrir sótthreinsun hafa verið greiddar kr. 34,00 samkvæmt fylgiskjali 15, en reikning um sótthreinsunina vantar, og ber reikningshaldara að útvega hann og senda.
- 3. Reikningshaldari hefir reiknað sjer og fengið samkvæmt reikningun-um borgun fyrir kostnað hans við sýslufund kr. 22,75 (fylgiskj. 18), en hann hefir eigi kvittað fyrir þessa upphæð sjerstaklega.
- 4. Reikningshaldari hefir samkvæmt reikningnum fengið borgun fyrir kostnað við alþingiskosningar kr. 6,00 (fylgiskj. 23), en hann hefir eigi kvittað fyrir þessari upphæð sjerstaklega.
- 5. Fyrir kostnað við amtsbókadeild í Ærlækjarseli 1900—1901 hefir ver-ið greitt kr. 4,10 (fskj. 24—25), en kvittun vantar fyrir upphæð þess-ari og ber reikningshaldara að útvega hana og senda.

b. Við sýslusjóðsreikning Norðurmúlasýslu þótti athugavert.

- 1. Samkvæmt fylgiskjali 5 er greitt fyrir ýmsa sýslunefndarmenn vera á veitingahúsi á Seyðisfirði kr. 100,76. Þar sem þetta er gagnstætt lögum, ber reikningshaldara að endurgjalda þessa upphæð.
- 2. Reikningshaldari hefir eigi kvittað fyrir 4 kr., er hann hefir reiknað sjer fyrir ferð á sýslufund og veru á honum.

c. Við sýslusjóðsreikning Suðurmúlasýslu þótti athugavert, að kvittun vantar fyrir auglýsing á óskilafje í blaðinu »Austra« kr. 21,35, og ber að út-vega hana og senda.

d. Við sýslusjóðsreikning Austurskaptafellssýslu þótti athugavert:

- 1. Sýslumaður hafði reiknað sjer borgun fyrir kostnað við ferð til að mæta á kjörfundi að Flatey á Mýrum 10. júní 1902 kr. 130,00, en sýslu-manni ber að eins 2 kr. á dag í þóknunarskyni fyrir fæðispeninga og í ferðakostnað.

Forseta var falið að heimta nýjan reikning hjá sýslumanni og
úrskurða síðan reikninginn. 80

13. júlí

2. Í fylgiskjali 20 vantar að tilgreina á hverjum bæjum þeir hundar eru, sem eru læknaðir og borgun er greidd fyrir.
15. Amtsráðsmennirnir lögðu fram sýsluvegasjóðsreikningana, er þeir höfðu endurskoðað.
 - a. Við sýsluvegasjóðsreikning Norðurþingeyjarsýslu þótti athugavert:
 1. Í verkfæraskýrslu Presthólahrepps vantaði aldur á 5 verkfærum mönnum.
 2. Reikningar yfir kostnað við vegagjörðir kr. 445,00 vanta nema yfir kostnað við vegagjörð að upphæð kr. 6,40. Reikningshaldara ber að útvega reikningana og senda þá.
 - b. Við sýsluvegasjóðsreikning Norðurmúlasýslu þótti ekkert athugavert.
 - c. Við sýsluvegasjóðsreikning Suðurmúlasýslu þótti athugavert, að í verkfæraskýrslu úr Geithellahreppi vantar aldur á 8 verkfærum mönnum.
 - d. Við sýsluvegasjóðsreikning Austurskaptafellssýslu þótti ekkert athugavert.
16. Forseti skýrði frá því, að skýrslur hreppsnefnda um heilbrigðishag manna virtust vera þannig, að þær gætu eigi komið að tilætluðum notum, og ákvað amtsráðið því, að hætt skyldi að gera þær eptirleidis.
17. Forseti lagði fram ýms skjöl viðvíkjandi fjárkláðanum og böðun í Austuramtinu og skýrði frá tillögum fjárkláðalæknis O. Myklestads.

Eptir að amtsráðið hafði athugað skjölin, ljet það í ljós, að það vænti þess að byrjað yrði á útrýming fjárkláðans næsta vetur, að minnsta kosti í Austuramtinu, en ef þetta brygðist, ákvað það, að fela forseta að gjöra þær fyrirskipanir til varnar gegn útbreiðslu fjárkláðans, er honum þættu heppilegastar, og eptir atvikum leita álits sýslunefndanna í amtinu. Amtsráðið ákvað að verja mætti til slíkra varnarráðstafana allt að 1000 krónum.
18. Forseti lagði fram skýrslur fjárkláðalæknis Davíðs Jónssonar um skoðanir hans, kennslu í fjárkláðalækningum og baðanir á kláðasjúku og grunuðu sauðfje.

Samkvæmt skýrslu hans hefir fjárkláði fundizt á einum bæ á Jökuldal í Norðurmúlasýslu, og á 13 bæjum í Norðurmúlasýslu og Suðurmúlasýslu austan Lagarfljóts, í 48 sauðkindum alls. Hann hefir kennt 20 mönnum að þekkja fjárkláðann og látið lækning fara fram á öllum bæjum, þar sem hann hefir fundið fjárkláða austan Lagarfljóts.

Kostnaður við ferð Davíðs Jónssonar var samkvæmt framlögðum reikningi kr. 380,50, og ákvað amtsráðið að upphæð þessi mætti greiðast úr jafnaðarsjóði. Ennfremur veitti amtsráðið 70 kr. til þess að borga sem þóknun fyrir 10 kindur, sem drepizt höfðu við böðun með kreólíni á kláðasjúku og grunuðu fje hjá 2 fátækum bændum.
19. Amtsráðsmennirnir ljetu bóka, að þeir, fyrir hönd amtsráðsins, vottuðu amtmanni Páli Briem innilegasta þakklæti fyrir þann framúrskarandi áhuga og dugnað, sem hann hefir sýnt í kláðamálinu, og sem það væri að þakka, að

80
13. júlí

nú væri vissa fengin fyrir því, að kláðanum verði innan skamms algjörlega útrýmt í Austuramtinu.

20. Af fulltrúum amtsráðsins á búnaðarþingi Íslands átti annar aðalfulltrúinn og annar varafulltrúinn að ganga úr eptir hlutkesti. Eptir hlutkesti átti að ganga úr amtmaður Páll Briem og Jónas Eiríksson skólastjóri á Eiðum. Þeir voru báðir endurkosnir til 4 ára, Páll Briem sem aðalfulltrúi og Jónas Eiríksson sem varafulltrúi.
21. Var samin og samþykkt svohljóðandi áætlun um tekjur og gjöld jafnaðarsjóðs Austuramtsins árið 1904.

Tekjur.

Jafnaðarsjóðsgjald kr. 5300 00

Gjöld.

1. Kostnaður við amtsráðið	kr. 1000 00	
2. Til menntamála:		
a. Til bókasafns Austuramtsins	kr. 400 00	
b. Til kvennaskóla Húnavatnssýslu	— 100 00	
c. Til kvennaskóla Eyfirðinga	— 100 00	
d. Til Eiðaskólans	— 500 00	
e. Til bóka- og áhaldakaupa Eiðaskólans	— 100 00	— 1200 00
3. Til spítala á Seyðisfirði		— 200 00
4. Tillag til Búnaðarfélags Íslands		— 200 00
5. Afborgun og vextir af láni vegna fjárkláðans		— 1248 00
6. Til ráðstafana gegn fjárkláðanum		— 1000 00
7. Til leikfimisfélags Eskifjarðar		— 50 00
8. Til óvissra útgjalda		— 402 00
	Alls	kr. 5300 00

Fleiri mál komu eigi til umræðu, Fundarbók upplestin og samþykkt og var svo fundi slitið 13. júlí 1903.

Páll Briem.

Jón Jónsson.

A. V. Tulinius.

Árni Kristjánsson.

Rjetta útskrift staðfestir.

Páll Briem.